

Vedlegg 4A: Innspel frå brukar- og referansegruppa

Tilbakemeldingar frå synfaringa med brukar- og referansegruppa, 09.08.17

Det var sju personar som deltok på synfaring på Fyllingsnes, der den eine representerte grunneigarane. Seks personar deltok på resten av synfaringa. Tre av desse representerte Eikanger skule/FAU Eikanger, medan ein representerte Kløvheim skule og to var nøytrale representantar frå referansegruppa. Det har ikkje kome skriftelege tilbakemeldingar, og tilbakemeldingane som er oppsummert her er basert på kva som vart sagt. Ein må difor vere observant på ei skjeivfordeling av representantar frå Eikanger skule og Kløvheim skule.

Lokasjon 1 – Fyllingsnes vert ansett som ei godt eigna skuletomt. Tomta er flat med gode soltilhøve. Det er eit godt friluftsområde rundt tomte. Tomta er det einaste alternativet utan risiko for E39. Ei ny skule her vil gje ringverknader for områdeutvikling. Ulempa er at ny skule her ikkje vil vere nærskule til nokon elevar frå Kløvheim skulekrins. Plasseringa er difor lite samlande for skulekrinsene. Skulen ligg og nære Leiknes skule (ca. 5,2 km). Alle som ville rangere tomtene meinte at lokasjon 1 er den beste skuletomten. Representant frå grunneigar merka at tomte var trekt noko inn i regulert bustadområde. (Adm: Tomtegrensa vart etter synfaringa flytta utanfor regulert område).

Lokasjon 4 – Liavatnet vert ikkje ansett som ei eigna skuletomt. Området er kaldt og rått. Det er ikkje ønskeleg å ta jordbruksareal. Området lengre bak er veldig kupert. (Info frå adm: høgdekote frå 13 til 39 på høgste punkt). Tomte er og ueigna grunna massane/grunntilhøva. Lokasjonen ligg utsett til i høve E39.

Lokasjon 5 er ei grei tomt i seg sjølv. Tomte har fine turområde. Området er flatt, men det kan vere myrområde. Det kan og vere fare for kulderas. Tomtegrensa ligg ca. 100 meter frå industriområdet. Støy og eventuell lukt kan bli ei utfordring. Tilkomst til tomte vert omfattande. Det vil vere behov for tilkomst for bilar og bussar, samstundes som at det må vere gang-/sykkelveg frå to ulike retningar. Med ei avstand på ca. 500 meter frå fylkesveg og same avstand frå E39, kan dette bli dyrt. Alle representantane som rangerte lokasjon 1 på topp, ville plassert denne lokasjonen på ei andre plass.

Lokasjonen 22 – Myråsen vert sett på som ueigna grunna store høgdeforskjellar. Det er mykje stigning for elevane som kjem gåande/syklende frå Eikanger. Ny gangveg frå E39 (krav som må påreknast frå Statens Vegvesen) er kostbart. Det positive med denne plasseringa er nærleik til Kløvheim. (Info frå adm: Med denne plasseringa vil ca. 2/3 av elevmassen på Kløvheim ha dette som nærskule.) Elevar frå Fyllingsnes vil også ha dette som sin nærskule. (Info frå adm: ei avstand på ca. 3,2 km til Vaage Karosseri, medan det frå Vaage karosseri til Leiknes skule er ca. 5,2 km). Det vart påpeika at det er mange som vil få lang skuleveg, og mange med bussbehov på denne lokasjonen. (Info frå adm: i området kring Fyllingsnes vil nokre elevar vere på grensa til skuleskyss, og nokre elevar komme over 4 km grensa.)

Referent: Inger Marie Jordal